

Den **Friggers** noh ehrem Sinne 'ne Frugge,
Den **Kranken** un **Süngern** ter Nachttied Ruge,
Usem Söpheken halle en staatsken Brümen,
sou'n langen, striäwen, vosser'gen kühmen, —
Dat Andere kümmet van selwer.

Den **Waschkiewern** Arwet un flinke Tungen,
Der jungen Frugge en krieschfergen Jungen,
Der **Essermutter** Kaffei 'nen ganzen Sac,
Dem **Esservatter** auf en Piepken Lebaß, —
Dat Andere kümmet van selwer.

Den **Kürbäckern** wünsch' ik 'ne Iserbahn,
Un dat se dat Gäß für de Kärfke ball' hamm ;
Den **Oroszern** jümmer wat Nigget te hören,
Un gesundet Water in ehre Röhren, —
Dat Andere kümmet van selwer.

Den **Fräxern** wünsch' ik en Winter ganz warm,
Un dat auf männheiner sit ehrer erbarm',
Dat Olle sit wollen auf qudd verdrägen,
nohdiem se in grauter Angest elägen, —
Dat Andere kümmet van selwer.

Un hädd' ik villichte nau wien vergiäten,
Diem wünsch' ik sin richtiget Drincken un Jiäten ;
Mi selwer grad dusend un drei Abenänten
Un fründlike Läasers un Rezensänten,
Dat Andere kümmet van selwer.

Proust Niggejohr !

